



17728

I

Mag. St. Dr.

P

Gynerke joannis. Professor academicus in
funere Gaspari Gelasini Leopoldi-portua-
mae memoriae consecratus.

PANEG. et VITAE

Polon. 4.

№ 228

Biblioteka Jagiellońska



stdr0000345

PROFESSOR ACADEMICVS

In Funere

EXCELLENTIS OLIM D.

GASPARI GELASINI

LEOPOLIENSIS,

Artium & Philosophiæ Doctoris, ac Professoris,

Collegæ Minoris,

Viri naturâ, doctrinâ, moribus
integerrimi,

• A

M. IOANNE CYNERSKI RACHTA-

monio, Coll: Min. Ordinario Elegu: Prof:ß.

posthumæ memoriæ consecratus.



C R A C O V I Æ,



In Officina Francisci Casarii, Anno D. 1637.

D. IHERONYMVS,

Ad Heliodorum, de morte Nepotiani.

Sentisne, obsecro te, quando infans, quando puer, quando iuuenis, quando robustæ ætatis, quando senex factus sis. Quotidie morimur, quotidie commutamur, & tamen æternos nos esse credimus. Hoc ipsum quod dicto, quod scribitur, quod relinquo, quod emendo, de vita mea tollitur. Quot puncta notarii, tot meorum damna sunt temporum. Solum habemus lucri, quod Christi nobis amore sociamur.

17728 I

CLARISSIMIS & CONSVLTISSIMIS
OMNIQ. VIRTVTVM & SCIENTIARVM GENE-
RE ORNATISSIMIS

PROCONSVLI & CON-
SVLIBVS

cunctoq̃ue Senatui,

INCLYTÆ VRBIS LEOPOLIEN.

M. IOANNES CYNERSKI RACHTAMO.

uius, Coll. Min. Ord. Eloqu. Professor, Salutem & prosper-
rimam bonorum omnium accessionem cōprecatur.



CERRIMI doloris causas, quas ob insperatum Excell-
olim D. GASPARI GELASINI fatum, Senatus
Academicus sensit, Oratione lugubri, in edibus S. ANNÆ
exposui, literisq̃ publicis, eorum consilio, quorum apud me
plurimum valet auctoritas, incitatus, consignavi, Vobisq̃
transmittendas putavi, PROCONSVL, & CONSVLES Clarissi-
mi. Communis iste dolor, grauter Almā Academiam & Vestram
Remp. perculit & afflixit, cum vtriusq̃ non mediocris in vno Ciue, sit
extincta spes, & latitia suffocata. Magna vobis ille, optimi Senatores,
moribus ingenuis ṽtq̃ probitate, dedit argumenta gloria; magna Al-
ma Vniuersitati reliquit, & maiora parare destinauit, eruditionis & do-
ctrina monumenta: quæ vno impetu fatum luctuosum confudit, & op-
pressit. Quamquam non totum nobis absorpsit, mors acerba GELA-
SINVM, maior illius & melior pars nobiscum superses est, atque dulci
in recordatione Ciuium optimorū viuit. Quicquid enim pie sanctiq̃
gessit in vita, quicquid laboriose confecit in literis, quicquid honorifice
præstitit in luce publica Lycæi, id totum manet, manebitq̃ apud gratam
& literatam posteritatem: neque illius meritorum gloriam, iniuriosa

cum Cineribus obliuio sepeliet. Hanc igitur Orationem, quam iustus
maror expressit, pietas officiosa perorauit, extremi Funeris, Comitum &
Amicorum confluxus tristissimus; cū lachrymis ad ornem excepit. Vobis
Consules Consultissimi mitto: partim ut ex virtutibus meritisq; boni
Professoris, quem rudi penicillo, velut in imagine adumbrat simpliciter
(nam verus omnem respuit ornatum dolor) aliquot solatium capiat:
partim ut pro singularibus multorum in me collatis Ciuium beneficiis,
meam quoque promptam obseruantiam; in Vos omnes literarum & lite-
ratorum amantiſsimos Viros, vel hoc primo munere expressam habeatis.
Fulgete clarissima lumina Russia, Vinite communis vindices equitatis,
Valete intimi arbitri vera libertatis, & nostro Collegio, nostrisq; studiis
(ut semper fuistis fauentissimi) aternū felices & fortunati fauete: fa-
uebitis autem, si multos GELASINO similes ingenio, moribus, eru-
ditione, sed longiori firmioriq; vitā maturos, quā ille fuerit alumnos,
in nostram Academiam Vobis semper; vestrisq; liberis, & omni posterita-
ti addictissimā libenter submiseritis, à me vero latiora grati animi monu-
menta, Vestrumq; in obsequium munera honoris expectaueritis auspica-
tiora. Dat, è Coll. Min. die 27 Septem. Anno D. 1637.

PROFESSOR
ACADEMICVS.



NSPERATVM & LVCTVO-
sum fidelis & laboriosi Professoris spe-
ctaculum, in hoc templum, & Vestrum
publicum conspectum deductum est.
Aud. mæstissimi. Positus est in retro
mutus & squalidus, qui in Cathedra, &
Lyceo facundus & eruditus, ante dies aliquot, cum sin-
gulari luventutis attentione, doctorumque Virorum ap-
probatione spectabatur, & audiebatur Gelasinus. Nunc
extremum persoluunt obsequium amici amico integerri-
mo, discipuli Præceptori diligentissimo, Cives Academi-
ci Professori desideratissimo, Cognati affinesque lu-
cis adhuc vsurâ fruentes, affini Optimo, intra septiduum,
misere vitâ spoliato. O triste & inexorabile fatum, o in-
dignam conditionem hominum! O spes inanēs omnes
& fallaces, quæ ante scopulis alliduntur, naufragio obru-
untur, & corruunt, quàm portum bonæ securitatis conspi-
cere potuerunt. Ille viuus ingenio, florens ætate, vi-
ribus corporis integere, præstans eruditione, conditione
bonorumque fortunæ, non admodum indigus, indole le-
pidus & hilaris Gelasinus, subito ex hac vitæ statione, &

ē conspectu omnium, supremi Imperatoris voce euocatus
discessit, nobisq; omnibus, nihil præter mærorem, & tri-
stem complorationem reliquit. Dolent hospites & in-
colæ, Virum humanissimum; Professores Collegam gra-
tissimum; intimi familiares, amicum candidissimum: do-
let misera, & non minus ætate, quàm mærore confecta
mater, filium dulcissimum, atq; adeo permolestè fert, &
indignatur, nō se priorem mortalitatis conditionem ab-
soluisse, non se priorem fato succubuisse acerbo. Et quā-
quam meritò omnes doleatis Aud. & vultu atque oculis,
tristiq; silentio, mærorem manifestissimum præferatis, si
tamen altiùs cum animis Vestris cōtemplati fueritis, qua-
lem Professore naturâ, doctrinâ, moribus amiseri-
mus, grauiores atque maiores credo, pectora Vestra
præfodient dolores. Quod quidem Vos acerrimo iu-
dicio conspicuos Viros, etiam sine admonitione mea, di-
ligentissimè facturos arbitror. Neq; enim officio con-
iunctior dolor cuiusquam esse potest, quàm hîc Vester
Aud. Academici, susceptus ex hominis de literis optimè
meriti fato: neq; pietas magis vlla laudanda, quàm ea,
quæ multis absentibus amicis, & cognatis, à Vobis reli-
giosè solenniterq; suscipitur. Vestræ igitur erunt partes
Viri doctissimi, dum has doloris rationes breuissimè pro-
pono, patientes & benignas aures mihi dicenti accomo-
dare.

Ac in primis Aud. in hoc confluxu ampliss vnum quē-
que mortalium, qui præceptis & institutis ingenuis im-
butus est, existimo communi danno, atq; periculo, per
moueri:

consumptos, in vnius hominis iactura, vno momento perdere, nemo potest dicere, nisi ille, qui tot labores sustinuit, tot molestias concoxit, tot curas sollicitudineq; deuorauit, quot ad absolutam requirebantur eruditionem comparandam.

Sed quorsum interea disputamus Aud. cum in conspectu præsentem habeamus, bonum Professorem GELASINVM, quem mors nobis eripuit insperata. Fuit ille naturâ, ingenio amænissimo, & omnib. artibus percipiendis promptissimo, vt facili negotio, perferre laborē, tædia sessionis superare, vim difacilitatum vincere, & in eruendis altissimis sensibus, sine defatigatione metis proficere posset: quod nobis toties suis laboribus luculenter & abunde comprobauit. Non enim ignobile aliquod oppidum, sed princeps Vrbs Russiæ Leopoldis, optimis ingenijs feracissima, siderum benignitate felicissima, ædificiorum splendore nobilissima, agrorum vbertate, camporum amantate, montium præsidij & aspectu, Ciuium humanitate, sapientiâ, candore celeberrima, hunc nobis laboriosum Iunonem transtulserat. Habet equidem hac Vrbs Aud. calorū benignissimum quendam influxum, liberalibusq; ingenijs fauentissimum Planetam, vel ipsa in quæ Athenis olim præsidebat præsidem Palladem: cum quisquis in hac Vrbe natus est, aut acutus Poëta, aut nerosus Orator, aut subtilis Philosophus, aut præstans medicus, aut iuris Sacerdos eximius, aut sublimis Theologus, aut omnium Scientiarum peritissimus arbiter habeatur. Hinc numeramus illos Leopolditas feruentissimos,
Fabia-

Fabianos Bircouios, mellitissimos Concionatores; Simo-
nidas Poetas admirabiles; Dibouicios, Sixtos, Alnpe-
chios, velut Æsculapios, vel Podalirios, atque Machao-
nes, in arte medendi prope Deos; Campianos, Sulcios, le-
gum arbitros prudentiss. cæterosq; Ciues, quorum anna-
les vetustatis, referunt insignes virtutes; quibus cum iu-
dicio grauisimo, prudentia incredibili, fortitudine hero-
ica, iustitia diuina, auctoritate singulari, in defendenda
Patriæ libertate, in bono communi propagando, vel pro-
pugnando, omnibus sæculis floruerunt. Quid quod Se-
natus ipse cultu, maiestate, honoribus Academicis, om-
nium sit maximè venerabilis, & augustus: vt quot Sena-
tores tot Philosophi; quot Consules, tot Iuris vel Medi-
cinæ sint Doctores. Nullus ibi director scholæ fuit, quē
non aut in suum Senatum, aut in amplissimum Canonico-
rum Collegium asseruissent. Vnde plebiscita laudatissi-
ma, iura nobilissima, leges patriæ libertatis præstantissi-
mas, Concionatores & Sacerdotes grauisimos, & inte-
gerrimos, vt quoque populus habeat vniuersus est neces-
se. Nullas insidias Scytharum, nullam prælij dimicatio-
nem, nullam inopia.n rei frumentariæ, nullam seditionē
plebis, nullam impresionem militum, incolæ Leopoli-
entes pertimescunt. Et qui sæpe bellorum tumultus, e-
tiam munitissimas vrbes affligerunt; Ciuibz certè Leo-
poliensibus nihil nocere potuerunt: quibus ob summam
prudentiam, & in rebus agendis dexteritatem, Regun. q;
fauorem, imprimisq; Diuinæ Maiestatis benignitatē, sum-
ma Pax, summa tranquillitas concessa est. Atq; ille qui-

dem princeps ingenij & doctrinæ Plato (vt Suadæ medul-
la Tullius in illa pulcherrima ad Q. Fratrem Cohortatio-
ne de administranda Asia refert) tum deniq; fore beatas
Resp. putauit, si docti & Sapientes homines, eas regere
cœpissent, aut qui regerent, omne suum studium, in do-
ctrina & sapientia collocassent. Possem tantam bonorū
amplitudinem, atq; constantiam, vobis quanquam absē-
tibus, vberiùs interea gratulari Ciues Sapientissimi, nisi
dolor altiùs meo infixus animo, me affectus inter se con-
trarios, lætitiā tristitiæ, gratulationem mærori, miscere
prohiberet; sed commodiorem tamen temporis occasi-
onem, mea vota desiderant, & Vestræ laudes requirunt.
Hæc igitur in Vrbe clarissima Aud. natus est Gaspar Gela-
sinus, ijs Parentibus, qui per bonam institutionem, in te-
nere ætate, egregias suas animi corporisq; dotes confir-
marunt, & ingenium pulcherrimis præceptis, ad virtutis
& pietatis exercitia pensanda excitarunt. Patrem ha-
buit, vt pleriq; meministis Aduocatū, Virum, & sapien-
tem, & iustum, & benignum Nicolaum Gelasinum; Ma-
trem ex Domo clarissima Anserinorum, Annam Honestā
Matronam, & omnib. Virtutib. ornatam: quæ summo
suo cum dolore superstes est, & afflicta viuit. Auus illius
fuit, eiusdem nominis cuius pater, Nicolaus Gelasinus
L.V.D. Consul Leopoliensis, eloquentia, candore, pruden-
tiā, auctoritate, inter Ciues sui temporis, facilè princeps.
Qui cum illum pariter Sapientissimum ac Victoriosissi-
mum Regem, Stephanum Bathorem, spolijs opimis, ob-
deuictos hostes ornatum, potissimumq; ob Polotiam &

Liue

Liuioriam receptam triumphantem, luculenta & illustri
gratulatione, nomine Senatus Populiq; Leopoliensis ex-
cepisset, magni Nomen Oratoris, cum pulcherrima me-
ruit approbatione. De hoc quoq; Senatore, nobilissi-
mi Poetæ Simonis Simonidæ, celeberrimum extat elogiū,
quod paucis verbis ingentes laudes in Epitaphio cōtinet.

Oraculum Urbis, Iuris Antistes facer,

Legum sequester, aureum os eloquentia,

Hic conditur Gelasius humili ingens humo;

Gelasius ille, cui nec ante habuit parem,

Nec post habebit, quantacunque Ciuitas!

O mirabile carmen, ô stupendum vaticinium! Nunc mi-
hi Poetas delitui suo enthusiasmo clamet aliquis, cū tam
apertum præsagium nostri Simonis Simonidæ tenea-
mus. Nam profecto inter duos fratres germanos, Nico-
laum & Ioannem, qui sunt superstites, vitamque Ciui-
lem incolunt, hic tertius Gaspar Gelasius, Urbem meri-
tis recreare, nostrumq; Lycæum vt incepit, sapientiâ plu-
rimos in annos ornare debebat, vt suo patri par, & æqua-
lis Auo. videretur: at verò ille iam spes nostras elusit, &
morte prostratus iacet. Potuit ille tantis præfidijs mu-
nitus & obfirmatus facili negotio erumpere in conspectū
Urbis, & Orbis, qui patriâ ingeniosus, parentibus inge-
nuus, educatione fuit liberalis: cuius præsertim sagax in-
genium, labor honestus, laborem fides perspicua, fidem
honores amplissimi, quo se cunq; contulisset, ornassent,
promouissent. Satis præclaras in virtutibus adolescens
progressiones, & quidem tempestiue faciebat, iuuenile

ætatem, quæ sua sponte lubrica est & infirma, pudore & modestia firmabat, studijs nobilissimis excolebat: nihilq; prius aut antiquius ducebat, quàm in cursu optimarum rerum semper versari: illud identidem secum reputans (quod quisq; ingenuus adolescens serio cum animo suo debet reputare) eum demum viuere, & animo frui, qui aliquo negotio intentus, præclari facinoris, aut artis bonæ famam quærit. Vt verò ingenio doctrinam, sic etiā vsu præcurrebat ætatem. Non ille adolescentiam, voluptatum illecebris infecit vel afflixit, non naturæ bonis, ad animi mollietatem abusus est. Ob quas virtutes vitæq; probitatem, & egregios in bonis disciplinis conatus, placuit omnibus vehementer: sed in primis placuit fauentissimo Præceptori suo. (cuius ego publicam honoris causa, cum summa grati animi significatione, pro liberali mei quoq; institutione facio mentionem) placuit inquā Excellentiss. & Adm: Reueren: D. IACOBO VITELLIO, Canonico S. ANNÆ, Nouoduorscianarum Scholarum Prouisor, eloquentiæ Professori Tyliciano: ex cuius gymnasio in Poloniam, tanquam ex Isocratis eloquentissimiludo in Græciam, innumerabiles Ciues eloquentes, & Doctores laudabiles prodierunt: placuit inquā bonus discipulus optimo Præceptori, cuius etiam consilio saluberrimo, laureas Academicas prensauit, quas insuper dignitate ingenij & doctrinæ, non ambitione obtinuit. Quā verò pietate & grati animi significatione præditus fuerit erga Altricem suam Academiam, inde liquet, quod eos in genij & eruditionis thesauros, huic ipsi benignæ Parenti,

in eru-

in erudienda nobili iuuentute potissimum erogare voluerit. Honoribus ornatus Academicis, in vno loco fixus manebat Aud. ad laboriosam palæstram Nouoduorsianā positus hærebat, iuuentutem frequentissimam diligentissimè in artibus humanitatis erudiebat. Quantus hîc & quàm grauis labor sit, nemo nisi qui expertus est intelligit, qui fortissimarum nonnunquam Virium Viros deprensit & afflixit. Non igitur excurrebat in Colonias bonæ spei, non prensabat occasiones congerendorum nummularum; non rusticabatur, non peregrinabatur, in Insulas fortunatas, vt hac ratione disceretur. Non nundinatorem nescio quem, sed in omni patientia, candore, probitate, verum fidelemq; agebat Professore.

Et iam illorum laborum, quos grauissimos sustinuit per quinquennium in palæstra Nouoduorsiana, primū fructum decerpserat: iam scilicet laborem pro labore, tanquam præmium & solatium pulcherrimum lucratus fuerat; iam in hoc Collegium Philosophorum quod minus appellatur, propter mininias reddituum fortunarumq; accessiones, more solenni maiorum vocatus fuerat: iam hæserat quasi ad metam, & in Parnasso amæniori fuerat collocatus, in Consortiumq; Virorum receptus; è quorū numero cum opus est, Clarissimum Collegium Iurisperitorum, Doctores; Iagelloniana Sparta, regios Professores, Nobilissima Medicorum Familia, aut Theologorum sublimis & Augusta Facultas, operarios eximios, elegit, & fecernit sibi: cum illum hisce tantis solatijs fata frui non permiserunt atrocia. Sibi iam ferebat vt olim meteret,

suam Spartam quam nactus erat ornabat: ingenium pulcherrimarum rerum contemplatione acuebat, excolebat; ut in dies perfectior euaderet; & in sua Professione Doctor dignior, amplissimorum Virorum iudicio, qui usu, ætate, assiduitate excocti, optimè de literis, de ingenijs, de laboribus, de eruditione cuiusq; sentire possunt, probaretur. Post diluuium quidem Aud. doctiss. ut Poëtæ tradunt Deucalion cū Pyrrha, Themidis consilio, genus humanum lapidibus reparasse feruntur retroiactis. Sed fuerit fælix hac mirabili hominum procreatione, cum sua Pyrrha Deucalion, qui mitioribus ut credo consilijs, ne moribus efferati lapidescerent homines, prohibuit: atq; adeo ut relictis faxeis speluncis, humaniorem in Urbibus vitæ rationem, virtutumq; cultum elegantiores, sequerentur, persuasit: Tu nobis Sarmatice Deucalion D. VLADISLAE IAGELLO (nam operæ pretium est, ut frequenter & solenniter gratam & iucundam tui memoriam faciamus, præsertim in eo templo, quod D. ANNÆ Academicorum Patronæ consecratum, eximij Patris nostri IOANNIS CANTII pijs Cinerib. gloriosum est, & apud eos Auditores, qui in Tuis laudibus & meritis ornandis, sunt semper promptissimi) Tu inquam nobis Rex Optime, cum Tua Pyrrha fidelissima, D. HEDVIGE, tanquam ex lapidibus homines finxisti, barbariem extinxisti, mores ingenuos inspirasti, humanitatem formasti, libertatem promouisti, Sapientiam, Iustitiam, fortitudinem, Religionem, cæterasque virtutes quibus hoc Regnum amplissimum, hodie floret abundè fixisti, confirmasti:

firmasti: Tu deniq; Orbem Sarmaticum; à grauissimo diluuiio vitiorum, eripuisti, liberaisti, conseruasti. Hoc enim Prytaneo constituto, in quo benè meriti de literis & pietate viri educantur, maiorem templis sanctitatem, vberiore Senatui sapientiam, firmiorem Equestri Ordini libertatem, Patriæ gratissimum splendorem, ac nouâ quâdam lucem infudisti. Quid aliud in illa vetere Sarmatia fuerunt populi, quanquam bellis intenti maximis, quam Pythonis Serpentis è detribus enata progenies, vt infestis armis inter se collideret. Vincebant barbaros, & ipsi vincebantur a barbaris vicissim, sine modo, sine discrimine, sine gloria rerum gestarum, more Andabatarum; nisi prouidus Apollo, sagittis suis, id est, Virorum doctissimorum ingenijs; eruditione, Sapientiâ, hoc turpe monstrum iugulasset, confodisset, sustulisset, & barbariem ac ignorantiam, extra omnes Imperij fines exclusisset. In hoc igitur Lyceo Iagelloniano, in hoc domicilio Musarû, in templo sapientiæ, & honoris amphitheatro; quanti sit laboris, Aud. doctiss. quanti ingenij, quantæ eruditionis, ne barbaries inuadat animos, personam Professoris, & Professoris publici sustinere, facile quæ vestra est prudētia potestis iudicare. In quo nimirum, non vnus artis leuiscognitio, sed omnium propemodum scientiarum encyclopaedia requiritur; quæ tanta perfectio, forsan in hominis tam breuem & arctam vitam non cadit. Ingenio sit præditus vario & exquisito, iudicio diuino, memoria firma & felici, vsu multiplici, omniû rerum cognitione mirabili; qui se Professore Academicum velit nominari.

Suba-

Subactō mihi ingenio opus est (ait Tullius cum suum fin-
git Oratorem) vt agro non semel arato, sed nouato, & ite-
rato, quo meliores fatus possit & grandiores edere. Su-
bactio autem est vsus, auditio, lectio, literæ. At de Profes-
sore Academico quid statuemus Auditores doctissimi? O-
pus est vt cum Orpheo teneat lyra n, cum Archimede cir-
cinum, cum Vitruuio perpendiculum, cum Ptolomæo a-
strolabium, cum Alphonso tabulas, cum Athlante sydera,
cum Thalete pondera, cum Halisio specula, cum Zenone
tempora, cum Pomponio climata, cū Chrysippo nume-
ros, cum Euclide figuras, cum Archita mensuras, cū Plato-
ne Idæas, cum Aristotele syllogismos, cum Marone Poe-
mata, cum Tullio Suadellam, cum Dionysio Areopagita
Hierarchiam celestem; vt cum singulis artificibus de sin-
gulis artib. & scientijs possit ratiocinari: & ita ratiocina-
ri, vt aliquis Carneades approbet, Aristarchus alterisco
insigniat, Cornutus non fastidiat, Persius oblectetur, Se-
neca feligat; Stoici contra suam naturā mirentur, Pytha-
gorei supra naturam speculentur, Epicurei secundum na-
turam venerentur, Lælius Decimus, aut Varro doctissi-
mus, prudentiam, copia n, & ornatum penitus nō requi-
rant. Quocunq; processerit Professor in incessu grauita-
tem, in lingua eloquentiam, Arithmeticam in digitis, As-
trogia n in oculis, Dialecticam in ingenio, Ethicam in
moribus, timorem Domini in corde, in vultu totoq; cor-
poris habitu, omnes Virtutes, tanqua n perpetuas Comi-
tes secun vbiq; circumducatur. Sit insuper heroico animo,
quem non facile frangat labor, non deprimat egestas, nō

æmulus

in emulus bonis ingenijs conficiat liuor, non contentio, nō
te assiduitas, non vigiliæ, nō graues quotidianæq; lucubra-
Su tiones exhauriant! Magnum est igitur Professorem Col-
legamq; profiteri, præsertim in ea rerum omnium dif-
ficultate ac tenuitate, quâ nulla maior excogitari potest.
O. Quod cum considerant, aut iam vsu consequuntur imbe-
cilliores è plebe animæ, memores suæ tenuitatis, qua da-
ta porta ruunt, hastas abijciunt, alio spes suas conferunt,
ne alium ad scopum sagittas dirigunt. Ferreus sis, aut ex
adamante conflatus, ait illorum non nemo, prosterne-
te labor improbus, deiiciet egestas, extinguent frigora.
Nullus hîc nisi macie confectus, exhaustus vigilijs, attri-
tus lucubrationibus, viam mortis circumfert imaginem.
n. Poenitere tanti quis e.nat?

*Et quem contemptis iuuat impallescere ludis,
Cultor ubi iuuenum purgatas inserit aures
Fruge Cleantheâ. Sapiô mibi, non ego curo
Esse quid Arcefilas, arumnosiq; Solones
Obst. ppo capite, & fixentes lumine terram,
Murmura cum secum, & rabiosa silentiâ rodunt,
Atq; exporrecto trutinantur verba labello,
Agroti veteris meditantes somnia: gigni
De nihilo nihil, in nihilum nil posse reuerti.
Quæq; docet sapiens, braccatis illita puppis
Porticus, in somnis quib; & detonsa lucentus
Inuigilat filiquis, & grandi pasta polenta.*

*Hoc est cur pallent! cur quis non prandeat, hoc est!
Iam pridem hunc sepeli, tu restas, perge Magister.
Hunc tremor arripuit varius, calidumq; tridentem
Excussit manibus, dentes crepuere reiecti
Vincta cadunt laxis, tunc pulmentaria labris.*

*Hinc tuba, candella, tandemq; beatulus alto
Compositis lecto, crassiq; lutatus amomis
In portam rigidos calces extendit, at illum
Hesterni capite induto subiere Quirites.*

Non hæc ocioforum hominū delira mēta curabat Aud. ac ne in animum quidem admittebat, laboriosus noster Gelasius, sed cum diuino Platone, cum Achille bellatore fortissimo, clarorum Virorum non longam vitam, sed meritis gloriosam, virtutibus illustrem esse debere indicabat. Qui autem Veneris Nepotuli hæc dictarent, eos secundum Ciceronis eloquētissimi sententiam, ignaros aiebat, quid grauitas, quid integritas, quid magnitudo animi, quid denique virtus valeret: quæ intempestate sæua quæta est, & lucet in tenebris, & pulsa loco manet tamen, atque hæret in patria, splendetque per se semper, neque alienis vnquam sordibus obsolescit. Virtus ait Euripides, etsi moriatur quis non interit, sed viuit corpore non amplius existente. Malis autem hominibus cuncta simul euanida commoriuntur sub terra.

In hoc igitur Collegium Philosophorum receptus Gelasius, eruditionis, laboris, pietatis, quo ad nobiscum vixit, singularia dedit argumenta. Nemo ipsius phil^osophiam, nemo fastum, nemo mordacem linguam accusauit in Collegio; nemo extra Collegium adulatricem notauit Lauernam, quæ furtim bonorum virorum bonam radere solet existimationem. Colebat humanitatem cū omnibus sine intermissione, amicitiam sine simulatione, candorem sine fūco, liberalitatem sine exprobratione, pietatem sine ostentatione, cæterasque omnes liberali & ingenio

ingenuo homine dignas virtutes, sine nāuo colebat. In illius ore sessitabat lepos, in oculis modestia, in fronte pudor, in incessu grauitas : in victu verò parsimonia, in potu sobrietas, in omnibus actionibus, virilis quædam conformatio, moderatioque viuendi manebat Aliud agere, aliud simulare improbum ducebat. Prudentiam sine simplicitate, versutiam vocabat, simplicitatem sine prudentia stultitiam. Seruilis ingenij & liberalis esse dicebat, Veritatem pulcherrimam virginem, cuius forma respuat omnem fucum, lenocinijs adulationis infuscare. Candidas esse debere & apertas Musarum ianuas : neque homines quidem appellandos esse, qui vno eodēque ore flare sorbereque, calidum frigidumque norunt fundere. Varia optimorum authorum lectione digestis in ordinem diebus, atque horis, animum reficiebat. Vt enim agros multiplici conserimus semine, ita ingenia (quæ Clemens Alexandrinus agros animatos appellat) varia & multiplici excolere debemus eruditione. Vt verò à Scorpionib. ic̃ti, ab ijsdem præsentem capiunt medicinam : ita nos altioribus attriti seueriorum studiorum contemplationibus, ab ijsdem studijs, sed mitioribus, animorum petere debemus relaxationem. Defatigauit ingenium tuum Philosophica speculatio, hebetauit & afflixit profunda eruditio, confer te, ad dulcia figmenta Poëtarum, vel lege variam Historiæ messem, vel consule floridam Oratorum officinam; sic animū tuum præstantibus leuabis ac recreabis condimentis. In familiaribus etiam colloquijs, Orationis nitorem & ornatum amabat Gelasi-

nus, dicendi percupidus & docendi; condiebatq; non unquam sermonem salibus & iocis honestis; quæ vel vetustas, vel illustrium virorum recens autoritas commendaret: adeoque horum omnium copiosam sibi suppellectile comparauerat, vt verè fuerit natura nomineq; Gelasinus. In eloquentia verò tantum profecerat, eumque fructum tulerat, vt etiam subito si esset dicendum sibi, satis concinnè & ornatè posset dicere: quod exercitium etiam summis Oratoribus, non semper ex sententia succedit. *Επιπροσημ* suam Serenissimæ Reginali Maiestati, per aliquem ex Senatoribus reddere curabat: ecce verò præter spem omnè admittitur in conspectum. Subito dicendum est, expalluit præsentia reuerentiaque Maiestatis; sed tamen dixit, & ita dixit, opusque suum accuratâ Oratione commendauit, vt omnibus minimè extemporanea videretur. Quod cum Sereniss: Reginalis Maiestatis Cancellarius, Vir facundus & disertus intellexisset, gratas esse tam frequentes lucubrationes, quas in aduentum Sereniss: Reg. Maiest. Academici Professores edidissent, sed illius gratissimam, quam ipse præsens tam diserta dictione commendasset, respondit, gratiâq; Sereniss: Reg. Maiest. pollicitus est amplissimam. Si quando, vt fit in communi vitæ consuetudine, non alicui satis fieret; tum ille (erat enim domus Præpositus) vultu placido & modesto, mitigare dolorem, excusare mediastrini errorem, leuare ioco intempestiuam esuritionem; vt sæpe plus ex illius verbis, quàm appositis ferculis caperemus voluptatis. Est enim hoc nostrum genus vitæ, ita parsimonix studiosum & addictum, vt nisi

nonnun-

nonnunquam iucundioris vitæ temperetur oblectamen-
tis, asperius pistrino Plauti, Cleanthis puteo rigidius, ac
propemodum intollerabile videretur. Viuimus omnes
affixi libris, lectionibus intenti, addicti laboribus, in si-
lento, concordia, fide: nemo nisi vnus, quem tangit or-
do familiam curat, & pauperem mensam. Hanc ille cum
libenter & hilariter sustinere capillet Spartam, tandem
in extremo limine succubuit Auditores. Nihil iam dico
quid amici doloris, quid nos mæroris, quid omnes boni
tristitiæ sustineant. Miramur omnes vehementer, tam
præcipitem & atrocem casum, tam rigidam & acutam
morbi intemperiem, quæ tam cito è suo tabernaculo eie-
cit animam & expunxit: cum præsertim moderationem
in victu, sobrietatemque illius satis perspectam habere-
mus.

Sed tamen felicem illius Audit. ex hac vita discessum
possumus iudicare, quem dies solennis immaculatæ Na-
tiuitatis B. M A R IÆ Virginis excepisset. An dubitamus
esse cælo natum, qui nascente terris Virgine gloriosa, mor-
tuus est? Equidem ea die quæ mundo illuxit auspica-
tissima, ac desideratissima, meritò laborem cum præmio,
certamen cum triumpho, mortalitatem cum æternitate
commutauit; nobisq; signum reliquit certissimum, quam
fuerit Patronæ suæ gratus hospes, & alumnus, quæ sua so-
lennitate potissimum, ad immortalitatis possessionem illū
esse voluit euocatum. Effecit hæc Virgo clementissima
suis precibus, vt & contritus corde, & per Con-
fessionem à suis noxis absolutus, & animo iam paratus, fi-

de confirmatus, spe plenus, charitate munitus & accensus,
ex hac vitâ discederet. Nam inter pias contemplationes
& eiaculatorias Orationes, quas ea nocte faciebat, aduen-
tum misericordis Iudicis præstolabatur patienter. Patien-
ter dico. Nam sine gemitu, sine querella, grauissimos il-
los dolores, & tædia mortis imminētis, sustinebat. Itaq;
iam finem dicendi faciam Aud. nisi vnum duntaxat eius
pietatis, & nostræ consolationis argumentum, illudq; cer-
tissimum Vobis commemoraro. Sic enim se res habet. In
illo solenni peruigilio Natiuitatis B. M. V. cum hora no-
ctis fere tertia, quietiorem ei precaremur noctem; ad nos
abeuntes conuersus, voce cita & alacri, vt ne noctem, sed
mortem potius sibi precaremur quietam, respondit. Tum
se correxit nobis tacentibus. Verum est omnes vna manet
nox. Et ego vobis extremum dico Vale. Amici. Ibimus,
Ibimus: Puluis & Vmbra sumus. Postea se breuissime qui-
eti dedit: & tandem quasi expergiscens, siue animo mor-
tis certam periodum præsentiens, siue in Virginis Nascen-
tis (cuius nomen frequenter ingeminabat) salutatione
defixus; siue aliquid aliud, magnum certè vt apparebat,
mente concipiens & agitans: Puer da inquit calamum, &
papyrus. Porrigit ille, hic accipit. Sed neq; iam manus
scriptioni, neq; caput lucubrationi sufficiebat. Quod pu-
er aduertens dictaret quævellet, se scripturū protinus ait.
At ille. Scribe igitur, scribe citò, quæ nunc ego meditor, in
laudes Virginis, Aduocatæ peccatorū. Lento tandem ser-
mone cōtēplationi totus immersus, oculis intentis, ma-
nibus erectis, quasi Saluatorem cum matræ gloriosa salu-
taret,

taret, dictabat. Adstitit Regina à dextris tuis. Et subito
per singultum atq; fletū, cætera quæ locutus est verba, ita
cōfudit, & suppressit, vt nullo modo possent (cū tremulo
tātum modo motu subfiliirent labra) intelligi. O pūlchram
vocem, ô iucundam meditationē, ô fælicem Virginis assi-
stentis præsentiam! ô consolationem morientibus omni-
bus exoptandā! Utinam similia Vota ac desideria, nobis
quoq; in mētem veniant Aud. in illo periculosissimo pū-
cto mortis, quo artuum membrorumq; grauissima cōuul-
sio, Spirituum confusio ac fremitus, tumultusq; intollera-
biles in homine oriuntur: dum tempestas cogitationum
vrget conscientiam, conscientia torquet animam, anima
Dei iudicium exhorrescit: maximè vero insultat, & circu-
it ille leo animicida, vt hominem deuoret morientem: Uti-
nam inquam tum temporis, hanc Patronam præsentē, &
assistentem, & fructum ventris sui, Iesum benedictum no-
bis ostendentem, vt ille habuit, habeamus. Nam certissi-
mum est, qualis cuiusq; vita fuerit, talē mortem immine-
re. Mitis ille natura fuit, & placidus moribus, pietate erga
beatissimam Patronam conspicuus, dum viueret, mortē
quoq; piam, vt videtis, & minimè morosam, expertus est,
quanquā illum insperatò oppressisset. Non illi turpi phle-
gmate os redundabat: non præcipiti deliquio mens fluctu-
abat: interrogatus ad singula respondebat, omnia deniq;
animo præsentissimo, pij deuoti q; hominis exercitia, faci-
ebat. Torquetur moriens auarus Aud. ringitur inuidus,
vexatur ambitiosus, exagitur curis maximis, & desperat
homo quisq; sceleratus, & tædis ardentibus furiarum affli-
gitur.

gitur, infernumque viuis adhuc patitur. Sua quemque
fraus, & suus error maximè vexat, suum quemque scelus
maximè agitat, amentiaque afficit, suæ quemque malæ
cogitationes, conscientiaque animi terrent. Audite iam
ultimam vocem Aud. Cum se multum tenuisset in silen-
tio, velletque quædam dictando perficere, sed non pos-
set, tandem recepto Spiritu, voce diserta & plena lachry-
marum: O Deus clementissime, cur inquit ego, secun-
dum propositum meum, non in aliquo religioso, arctioris
vitæ instituto poenitentiam ago? Cur non ibi morior;
cur non ibi morior? Optabat Aud. & desiderabat, cum
annos vitæ singulos, in amaritudine animæ suæ recollige-
ret, rigidiorē agere poenitentiam. Videbat (quod e-
tiam sanctissimis hominibus in illo momento mortis ac-
cidit) quàm seuerum subiturus esset iudicium: reddend-
am esse rationem sciebat, actionum, sermonum, cogita-
tionum omnium, ideo vitam arctiorem peroptabat. Nos
ille quoque, credite mihi, extrema voce sua, ad meliorem
vitæ fugem exemplo suo hortabatur, vt moribus integri,
conuersatione circumspecti, omnibus actionibus iusti,
prudentes, moderati, in hac vita viuamus. Stat quidem
terminus nobis (ait togatæ Sapientia Princeps) vbi illū
inexorabilis fatorum necessitas fixit, sed nemo scit no-
strum, quam prope versetur. Sic itaque formemus ani-
mum, tanquam ad extremum ventum sit. Nihil differa-
mus, quotidie cum vita paria faciamus. Qui quotidie vi-
tæ suæ summam manum imposuit, non indiget tem-
pore.

Et

Et iam aurora cælo oriebatur sereno, cum immineret aurea hora illius excessus. Conuenimus & lecto adstitimus amici, quibus ille nullum iam verbum respōdebat, sed oculis loco defixus in vno, alto ducens pectore suspiria, inter admonitiones, precesque feruentissimas PP. Excalceatorum, nostrasque lachrymas vberrimas, leuem animam celeriter expirauit. Hæc sicut exposui, ita gesta sunt Auditores, amisimus bonum Professorem, amisimus operarium fidelem & laboriosum, amisimus amicum, omni virtutum genere clarissimum, amisimus in ætate florentissima Virum, cum nondum trigesimum ætatis annum attigisset, Vana quidem est illa spes Aud. quam opinione, non re consecuti sunt, Ethnicorum illi Sapientes, quoties tumidi, & inflati, ex suis laboriosis rebus gestis, cum quadam animi præsumptione, sibi pollicerentur immortalitatem. Quis enim potuit esse Philosophus ille immortalis, cum turpi superstitione, vitam habuerit inquinatam? Hæc verò quis potuit non inquinari vita, quæ veri carebat cultu cognitioneq; Dei? Et tamē audio quendam illorum, cum quadam gestientis animi lætitia sub ipsum mortis tempus cantilantem! non adduco græculi hominis verba, suffecerit interea linguâ referre latinâ sensum.

Virtus, inquit, laboriosa generi mortalium, indago vitæ pulcherrima:

*Ob tuam Virgo formam, Gracis mors est optabilis:
Tollerandiq; grauissimi labores, indefessa constantia,
Tali scilicet fructu mentes accendis immortalis,*

D

Auro

Auro præstantiore, anteponendo vel parentibus,

Ac lenienti dolores somno.

Tua causa Diuus Hercules, Ledaq; Filij

*Multa perpeffi sunt, gestis rebus, potentiam tuam ac
vim prædicantes.*

In desiderio Achilles, & Ajax descenderunt

Ad Ditis atria. Ob amabilem formam tuam:

Se priuauit lumine Solis alumnus Atarneæ,

*Quem actis rebus clarum & celebrem, sempiternam
laude,*

Musa decorabunt, Mnemosynes ac Iouis filia;

maiestatem.

Iouis Hospitalis extollentes, firmæq; amicitia præmia:

O miseram tuam cantilenam Philolophe, quam fluxa opinio expressit, turpissimorum Deorum cultus infecit, exitus perditionis excepit, & inuasit. Hæc est nostra maxima Auditores & optima spes, hoc desiderium auspica- tum, hoc pro laboribus nostris præmium certissimum, hæc denique æterna hæreditariaque possessio, quam meritis IESV Christi lucramur, Dei gratia nobis cooperante promouemus, & firmamus nostram salutem in æternum: Vbi à laboribus quies, à curis & sollicitudinibus, incredibilis tranquillitas, à tempestate & fluctuatione, gloriæ portus tutissimus, inuenitur. Itaque mihi non mortuus, sed ex hoc mortalitatis ergastulo, in Capitolium æternitatis translatus esse videtur, noster amicus Gelasius: vbi omnibus ijs, quibus bona fama, virtutibus qua- sita est, & quibus ad posteritatem, non ignauia sed labor;


non

non mollities animi sed industria, non turpe otium, sed
liberale studium, non proteruia, sed omnium rerum paciē
tia, viam glorię parauit, certissimus est in cælo ac definitus
locus; vbi beati sempiterno æuo fruuntur, ac consortio si
millimarum sibi mentium, incredibilem in modum, oble
ctantur. Spem profectò certissimam habemus, hæc tan
ta tamque pulchra signa salutis fuisse, quæ moriens liqui
dò præstitisset. Tuam pietatem atque fidem appellamus
& obtestamur D. Pater IOANNES CANTI, vt hūc
flosculum pulcherrimum, quem crudeli falce mors ine
xorabilis, in nostro Parnasso demersit, & excussit, in cō
spectu Domini sistas, amænissimoque inferas paradiso. Tu
expertus es labores nostros, & nunc vides conatus no
stros, in illo qui videt omnia: iuua, protege, intercede pre
cibus, & ab omnibus aduersariorum impetitionibus tuū
clientem defende.

Ergo nunc vt piè credimus, inter purpureos Quirites,
Tuosque Leopoltas optimos, gratissimus hospes collo
catus; crepundia phalerasque mundi, rides incundissime.
Gelasine: at nos tibi extræmum vale dicentes, vt felix
vivas, & rideas, & gaudeas in regione lucis, in patria
viuentium, submissis apud Redemptorem lu
dicemque tuum precibus appre
camur.

*Pie IESV Domine, dona ei requiem sem
piternam, Amen.*





~~Lyonsville, Pa. 1840~~

~~Lyonsville, Pa. 1840~~